

SOALAN NO : 14

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR. S. SUBRAMANIAM
MENTERI KESIHATAN MALAYSIA**

PERTANYAAN : LISAN
DARIPADA : YB TUAN WONG TIEN FATT @ WONG
NYUK FOH [SANDAKAN]
TARIKH : 02 DISEMBER 2015
SOALAN :

YB Tuan Wong Tien Fatt @ Wong Nyuk Foh [Sandakan] minta **MENTERI KESIHATAN** menyatakan peruntukan yang disediakan kepada semua hospital di Sabah khasnya Hospital Duchess Of Kent di Sandakan berbanding negeri lain dari tahun 2010 hingga 2014. Senaraikan semua projek yang telah dilaksanakan serta perbelanjaan yang telah diguna pakai untuk tujuan pembangunan sector kesihatan di Sabah.

Tuan Yang di-Pertua,

Peruntukan mengurus yang disediakan kepada hospital-hospital Kementerian Kesihatan Malaysia (KKM) di negeri Sabah dari tahun 2010 sehingga tahun 2014 adalah berjumlah RM5.028 bilion iaitu 10 peratus dari jumlah keseluruhan peruntukan Mengurus KKM bagi hospital yang berjumlah RM50.335 bilion bagi tempoh yang sama. Manakala peruntukan Mengurus Hospital Duchess of Kent Sandakan dari tahun 2010 sehingga tahun 2014 adalah berjumlah RM505.92 juta iaitu 10.1 peratus dari jumlah keseluruhan peruntukan Mengurus hospital-hospital KKM di negeri Sabah.

Tuan Yang di-Pertua,

Jumlah kos projek yang telah diluluskan bagi Negeri Sabah dalam RMK 10 (2011-2015) adalah sebanyak **RM1,310,152,569**. Jumlah ini **21.82%** daripada keseluruhan kos projek di negeri-negeri lain yang diluluskan untuk sektor kesihatan dibawah Kementerian Kesihatan Malaysia (KKM). Daripada jumlah tersebut, perbelanjaan adalah sebanyak **RM795,109,582** iaitu **60.68%** dari kos projek untuk sektor kesihatan dibawah KKM bagi Negeri Sabah. Baki daripada kos projek akan dibelanjakan dalam tempoh RMK11.

Daripada jumlah di atas, terdapat dua (2) projek pembangunan telah diluluskan khas untuk Hospital Duchess of Kent untuk dilaksanakan menggunakan Peruntukan Pembangunan di bawah RMK-10 iaitu:

- 1- Naiktaraf Blok Lama Hospital Duchess Of Kent yang melibatkan kos keseluruhan RM6 juta. Daripada jumlah ini sebanyak RM 3.5 juta telah digunakan untuk menaiktaraf sistem gas perubatan Hospital Duchess of Kent, Sandakan dan projek ini telahpun siap. Baki peruntukan sebanyak RM 2.5 juta adalah dalam peringkat perancangan untuk dilaksanakan.
- 2- Naiktaraf Jabatan Farmasi Hospital Duchess Of Kent melibatkan kos keseluruhan RM2 juta. Projek ini telah diluluskan pada tahun 2015 dan sedang diperingkat perancangan pelaksanaan.

Selain daripada itu, terdapat projek-projek pembaikan kecil seperti Naiktaraf Lif Hospital, Naiktaraf Sistem Keselamatan dan sebagainya yang telah dilakukan di Hospital Duchess of Kent, Sandakan seperti berikut:

- a- Tahun 2012 – RM 1,513,598.00 (4 projek);
- b- Tahun 2013 – RM 795,300.00 (9 projek); dan
- c- Tahun 2015 – RM 200,000.00 (2 projek).

SOLAN NO: 15

**DEWAN RAKYAT MALAYSIA
SOALAN JAWAB LISAN**

PERTANYAAN : LISAN

**DARIPADA : DATUK HAJI SHABUDIN BIN YAHAYA
[TASEK GELUGOR]**

TARIKH : 2 DISEMBER 2015 (Rabu)

RUJUKAN : DR065

SOALAN :

Datuk Haji Shabudin bin Yahaya [Tasek Gelugor] minta **MENTERI SUMBER ASLI DAN ALAM SEKITAR** menyatakan statistik terkini dan usaha pencegahan aktiviti pembuangan minyak hitam secara tidak terurus ke dalam saluran air walaupun ianya adalah bahan buangan berjadual dan sangat bertoksik sehingga boleh memusnahkan ekosistem.

JAWAPAN:

Tuan Yang di-Pertua,

Untuk makluman Ahli Yang Berhormat,

Sepanjang tahun 2003 sehingga 2015, sebanyak 18 kes yang melibatkan pembuangan minyak hitam ke atas tanah telah direkodkan oleh Kementerian saya melalui Jabatan Alam Sekitar (JAS). Daripada 18 kes tersebut, sebanyak 14 kes berlaku dalam tempoh antara tahun 2003 hingga 2005.

Manakala terdapat satu (1) kes yang melibatkan pembuangan minyak hitam terus ke sungai sehingga menjejaskan pengoperasian tiga (3) buah loji rawatan air di Sungai Selangor yang berlaku pada akhir 2013.

Antara usaha pencegahan pencemaran yang telah dan akan diambil oleh JAS bagi mengawal pencemaran dari minyak hitam yang merupakan salah satu buangan toksik dan merbahaya yang tertakluk di bawah Peraturan-Peraturan Kualiti Alam Sekeliling (Buangan Terjadual) 2005 adalah:

- (i) melaksanakan penguatkuasaan tegas terhadap kehendak Peraturan-Peraturan Kualiti Alam Sekeliling (Buangan Terjadual) 2005 termasuk melesenkan premis-premis

pemerolehan kembali minyak hitam terpakai serta pengangkutan buangan terjadual.

- (ii) memperkenalkan dan melaksanakan prinsip '*cradle to cradle*' dalam pengurusan buangan terjadual melalui pendekatan mengguasemula buangan terjadual sebagai bahan mentah pilihan (alternatif material) antaranya melalui teknologi '*co-processing*'. Pendekatan ini telah menambah nilai kepada buangan terjadual untuk diuruskan dengan cara yang lebih menguntungkan kerana adanya nilai ekonomi sebagai pendapatan tambahan pihak yang berkaitan khususnya pengeluar buangan.
- (iii) Meningkatkan keberkesanan penguatkuasaan dengan sistem pemantauan pengurusan buangan terjadual melalui keperluan orang yang berwibawa dan latihan kepada operator dalam menguruskan buangan terjadual oleh sektor industri.
- (iv) Melaksanakan pemantauan dan mewajibkan pelaporan secara *on-line* melalui pembangunan sistem E-SWIS juga merangkumi elemen forensik untuk mengenalpasti pihak-pihak yang melakukan pengurusan buangan terjadual secara tidak selamat.
- (v) menerbitkan pelbagai garis panduan bagi membantu pihak industri menguruskan buangan terjadual yang dihasilkan

mengikut kehendak undang-undang dan memastikan ianya diurus dengan selamat dan tidak mencemarkan alam sekitar

- (vi) pelaksanaan audit pematuhan kepada kehendak perundangan alam sekitar oleh pihak ketiga (independent auditor) bagi meningkatkan keberkesanan pemantau
- (vii) Menjalankan program pendidikan dan kesedaran alam sekitar dan mendapatkan maklumat awal pencemaran alam sekitar dari masyarakat yang bertindak sebagai mata dan telinga JAS melalui program Rakan Alam Sekitar (RAS) dan program 3P (Pasukan Pemantau Pencemaran).

Sekian. Terima kasih.

**MESYUARAT KETIGA, PENGGAL KETIGA
PARLIMEN KETIGA BELAS TAHUN 2015
PEMBERITAHUAN PERTANYAAN
DEWAN RAKYAT MALAYSIA**

PERTANYAAN : JAWAB LISAN

**DARIPADA : DATO' KAMARUL BAHARIN
BIN ABBAS [TELOK KEMANG]
[PKR]**

TARIKH : 2 DIS 2015, RABU

SOALAN : 16

Minta **MENTERI KEMAJUAN LUAR BANDAR DAN
WILAYAH** menyatakan :-

- (a) jumlah pembiayaan pelajar-pelajar yang ditaja oleh MARA sejak 5 tahun kebelakang antara tahun 2010 hingga 2015; dan
- (b) statistik jumlah pelajar mengikut kursus pada tahun-tahun tersebut.

JAWAPAN :

Tuan Yang Di-Pertua,

Program penajaan pelajaran secara pinjaman boleh ubah yang disediakan oleh MARA dalam pelbagai peringkat pengajian di dalam dan di luar negara bertujuan memenuhi keperluan pasaran semasa yang memerlukan modal insan yang profesional dan *global oriented*.

Untuk makluman YB, purata perbelanjaan tahunan bagi penajaan pelajar mengikuti pengajian di dalam dan di luar negara ialah kira-kira RM2 bilion setahun.

Berikut ialah jumlah pelajar berdasarkan bidang pengajian dari tahun 2010 hingga 2015.

BIDANG PENGAJIAN	JUMLAH PELAJAR						JUMLAH KESELURUHAN
	2010	2011	2012	2013	2014	2015	
<u>DALAM NEGARA</u>							
DOKTOR PAKAR	1	1		2	85		89
KEJURUTERAAN	4,035	4,997	6,947	9,150	10,152	2,239	37,520
MATEMATIK, PERANGKAAN DAN SAINS KOMPUTER	922	1,099	1,533	2,009	2,135	471	8,169
PENDIDIKAN	31	149	205	928	1,742	76	3,131
PENGURUSAN, PENTADBIRAN DAN UNDANG-UNDANG	1,916	3,243	5,516	8,710	10,661	1,635	31,681
PENILAIAN DAN PENYELIDIKAN	1						1
PERAKAUNAN	658	1,114	1,935	3,196	2,890	768	10,561

BIDANG PENGAJIAN	JUMLAH PELAJAR						JUMLAH KESELURUHAN
	2010	2011	2012	2013	2014	2015	
PRA-U	857	820	153	343	1,704	668	4,545
SAINS DAN SAINS PERTANIAN	1,146	1,811	2,404	4,102	5,293	318	15,074
SAINS PERUBATAN	465	610	848	897	1,199	113	4,132
SASTERA DAN KEMANUSIAAN	729	1,136	1,583	2,613	3,146	373	9,580
SENI BINA DAN PERANCANGAN	164	250	247	304	340	8	1,313
JUMLAH PELAJAR DALAM NEGARA	10,925	15,230	21,371	32,254	39,347	6,669	125,796
LUAR NEGARA							
DOKTOR PAKAR		2	2	1	1	2	8
KEJURUTERAAN	426	420	739	1,256	1,134	720	4,695
MATEMATIK, PERANGKAAN DAN SAINS KOMPUTER	28	72	128	130	150	86	594
MEISTER				5	64	13	82
PENDIDIKAN	25	21	17	64	73	21	221
PENGURUSAN, PENTADBIRAN DAN UNDANG-UNDANG	49	162	355	623	719	606	2,514
PENILAIAN DAN PENYELIDIKAN			2	5	3	2	12
PERAKAUNAN	27	50	86	141	158	77	539
PRA-U				4	11	48	63
SAINS DAN SAINS PERTANIAN	61	98	219	419	401	205	1,403
SAINS PERUBATAN	924	731	907	563	545	228	3,898
SASTERA DAN KEMANUSIAAN	1	43	78	176	156	92	546
SENIBINA DAN PERANCANGAN	11	43	77	140	136	94	501
JUMLAH PELAJAR LUAR NEGARA	1,552	1,642	2,610	3,527	3,551	2,194	15,076
JUMLAH KESELURUHAN PELAJAR DI DALAM DAN LUAR NEGARA	12,477	16,872	23,981	35,781	42,898	8,863	140,872